

文殊所說最勝名義經卷上

上下同卷

群十

宋西天三藏明因妙善普濟法師金總持等奉詔譯

歸命妙吉祥	所說最勝義	金剛掌菩薩
降伏諸魔衆	身湧徧三界	秘密王自在
目若青蓮葉	面如蓮華敷	執持金剛杵
以手擲復擲	現大忿怒相	威振十方界
金剛手菩薩	亦持金剛杵	精進相微妙
勇猛降諸魔	大智利羣生	化億數金剛
或踴躍歡喜	或現忿怒相	頂禮佛世尊
合掌心恭敬	願令法久住	作衆生依怙

常於幻網中	引接菩提路	無智愚癡人
困苦煩惱者	救護令解脫	皆獲最上果
世尊調御師	常住大三昧	能了諸法性
根境亦如是	如來智慧身	烏瑟膩沙相
文殊大智者	智觀善出生	甚深微妙義
大法無等倫	於初中後善	名義爲最勝
過去佛已說	未來佛當說	現在佛今說
三世皆如是	於大幻網中	能度諸羣品
金剛掌菩薩	歡喜伸讚歎	佛說真密語
我今能受持	決定心堅固	至成等正覺

演說秘密法	引導諸衆生	起無漏智慧
煩惱盡無餘	金剛手菩薩	合掌住佛前
爾時釋迦佛	最上兩足尊	舌相真實語
清淨微妙音	普流於世間	四種魔不現
徧滿三界中	梵音美讚歎	如來秘密王
宣說大法要	善哉金剛掌	善哉金剛手
爲作利益故	大智得成就	最上大義利
滅除諸罪垢	文殊大智者	願聽如是義
善哉大導師	方便爲宣說	爾時釋迦佛
開示秘密法	攝持大明呪	謂持明呪部

世出世間部	周徧世界部	大印諸法部
烏瑟膩沙部	六種大呪王	相應無有二
出生伽陀法	我今故宣說	
過阿 _引 壹翳 _引	盟汗 _引 伊愛 _引	鄔與 _引 暗嚙 _引
安住心智觀	如來三業轉	唵字金剛利
能斷諸苦惱	文殊大吉祥	智慧妙觀察
宣說秘密門	自在王神呪	
阿羅鉢左那 _引	野諦曩莫	
歸命佛世尊	出生菩提智	過字一切中
爲大最上義	出生大有情	離心離言相

及一切音聲	一切光明相	此摩訶大貪
一切衆生著	摩訶大瞋恨	一切苦惱因
摩訶大愚癡	衆生心深入	摩訶大忿怒
是爲大怨害	摩訶大愛樂	心種種見著
大欲及大樂	大喜及大染	大色及大身
大相及大貌	大名及大施	大圓滿道場
持大智慧劍	斷大煩惱網	大顯及大稱
大光及大明	大幻作幻師	大幻義成就
大幻化染欲	大幻化見網	大布施殊勝
大持戒攝受	大忍辱執持	大精進勇猛

大禪定安住	大智慧出生	大方便大願
大力及大智	大慈法無我	大悲深妙行
大慧大勇猛	大施大方便	大神通智力
大威德勇健	大熾盛大力	大流轉除斷
大金剛祕密	大忿怒威猛	大怖畏能除
大最勝明王	大乘最上行	大乘 三 法增長
大毗盧遮佛	大寂默牟尼	出生大呪部
成就祕密法	依十波羅蜜	修習殊勝行
得十波羅蜜	清淨妙法門	十種波羅蜜
如來本真智	十地自在行	十地安隱住

十智清淨身	十智功德聚	十相十義利
牟尼十力尊	十相廣大行	周徧悉圓滿
如來清淨身	非實亦非假	真語與實語
如語不異語	無二非無二	如實際安住
處於無我義	猶如獅子吼	威振諸外道
衆魔皆驚怖	一切真空行	如來親所證
勇猛破怨敵	是名為最勝	大力轉輪王
最上尊重者	咸生恭敬心	了法無差別
演說大乘教	讚歎無邊義	如來真實語
無實亦無虛	誘接諸羣迷	皆得不退轉

聲聞及緣覺	佛乘菩提果	種種空無著
如實而了知	漏盡阿羅漢	離欲勝根境
盡諸煩惱結	無畏得清涼	如來無所著
明行足善逝	世間最上士	調御十號尊
無我慢貢高	真實心安住	遠離於輪迴
億劫修勝行	所作皆已辦	智慧心決定
世尊大法王	演說微妙法	周徧於世間
教化諸衆生	以最殊勝行	成就諸義利
作大引導師	令離諸疑惑	盡諸衆生界
悉獲安隱地	檀戒忍進禪	熏修為福藏

智慧波羅蜜	熏修為智藏	方便及願力
隨順修二藏	圓滿行衆善	常普徧相應
禪定意微妙	示身相不動	法報化三身
五佛五種智	五佛嚴寶冠	五眼照世間
應現一切佛	令衆善增長	所修智慧力
能斷諸輪轉	金剛堅固身	真實不思議
毗盧遮那佛	大智光熾盛	自然虛空中
湧出智慧光	徧照諸刹土	一切如來身
明王大神咒	勝義悉成就	大烏瑟膩沙
普放淨光明	照一切佛身	彼佛咸恭敬

瞻仰心歡喜	威儀皆具足	供養伸讚歎
牟尼大金僊	安住三部咒	三昧咒現前
三寶最殊勝	三乘及引導	不空羅索部
執持金剛索	及持金剛鉤	示現忿怒相
降伏諸魔怨	大忿怒明王	六面現六眼
一身生六臂	口出大利牙	手執紺迦羅
臂纏百毒蛇	名燄鬘德迦	亦名除障王
現大怖畏相	執金剛利刃	種種相差別
化金剛眷屬	徧滿於虛空	大威德忿怒
不動尊明王	一髻髮蓬亂	身掛大象皮

時發大笑音	呵呵呵呵聲	草木皆搖動
現大笑明王	有大威德力	金剛大菩薩
金剛王大樂	金剛相大喜	金剛呪吽吽
金剛弓及箭	手持金剛劔	煩惱皆除斷
堅固及利用	此金剛最勝	熾盛金剛燄
熾盛金剛眼	金剛大色相	金剛燄百眼
金剛毛鉈利	示現鬪戰相	金剛現指爪
億數鋒堅利	金剛殊勝鬘	金剛妙莊嚴
金剛笑音聲	字門有六種	文殊大音聲
徧徹於三界	乃至虛空界	音聲皆徧徹

如實而了知	一切法無我	離文字語言
同真際法性	譬如大牛王	作大音聲吼
吹於大法螺	擊於大法鼓	建廣大法幢
作廣大音聲	不住於涅槃	悲愍諸衆生
十方虛空界	無色非無色	種種色心中
能了一切法	猶如大圓鑑	徧照盡無餘
化諸天人衆	三界得自在	住平等聖道
湧現於法幢	普於十方界	示現童子相
或現沙門相	或現老人相	或三十二相
端嚴甚微妙	智慧德行者	阿闍黎法師

度一切衆生	相應成正覺	了達虛空界
一切智智海	破壞無明網	摧滅流轉輪
永離諸煩惱	速達於彼岸	以智水灌頂
莊嚴妙寶冠	斷除三種苦	離一切纏縛
得三種解脫	成正等正覺	常於三界中
利益諸衆生	圓滿清淨行	功德悉增長
離一切有著	安住真實際	持大如意寶
爲最上導師	現大相應應	作最上賢瓶
饒益諸衆生	護念如赤子	淨通非淨通
時分三昧通	了達正定通	衆生根境通

功德通法通	得三種解脫	清淨吉祥事
心歡喜踴躍	五面及五頂	五山嚴飾相
大喜及大樂	大慶及大欲	決定真實法
吉祥最勝尊	殊勝微妙行	利益諸衆生
爲降伏魔怨	消除諸驚怖	尸棄室翫呢
惹胝路垂髻	剃髮及頭陀	著大淨行衣
持最上梵行	大婆羅門衆	灰身喬答摩
修持大苦行	證清淨涅槃	寂然得解脫
能持大淨行	安樂無染著	決定斷苦樂
盡遠離諸欲	無失亦無得	無顯亦無著

釋十

六

一切行無穢	是謂婆羅門	菩薩修正行
意識淨無垢	離染無怖畏	善覺悟佛性
智解如來地	能知過去法	無智亦無色
亦無有疑惑	照見三世佛	法本來無著
覺法離繫縛	慧眼照無礙	如來妙智觀
說法自在王	以最勝法義	悉除諸諍論
猶如師子王	能伏於眾獸	眾生成欣仰
如來尊重相	文殊妙智光	熾盛皆徧照
灌頂法王子	最勝名義師	能為大良藥
消除諸病苦	舒白毫相光	照耀於三界

乃至十方刹	普建大法幢	及張大傘蓋
為慈悲道場	蓮華大寶蓋	徧覆諸如來
一切佛法性	一切佛相應	一切佛平等
為最勝尊重	金剛智灌頂	吉祥自在王
一切世自在	最勝金剛王	一切佛大心
一切佛智行	一切佛大身	一切佛妙辯
金剛日大光	金剛月大明	熾盛皆徧照
十方眾界	佛金剛堅固	佛勝義法生
佛蓮華吉祥	成就一切智	佛持大幻法
佛持大明咒	金剛劍大利	斷諸煩惱結

群十

七

金剛法大器 金剛法最勝 金剛慧出生

圓滿波羅蜜 佛地為莊嚴 清淨法無我

正智心明了 幻網種種事 金剛能除斷

煩惱盡無餘

文殊所說最勝名義經卷上

文殊所說最勝名義經卷下

宋西天三藏明日妙善普濟法師金總持等奉詔譯

菩薩妙智身 出生諸善利 譬如大地中

生種種利益 一切佛智藏 流出大法輪

一切法自性 一切自性生 於一刹那中

出生諸法義 即得大智慧 覺了一切法

深入諸三昧 安住平等理 諸法悉清淨

成正等正覺 一切佛現前 歡喜義成就

大智饒光明 滅除諸罪垢 一切衆生中

作最上利益 苦惱為怨賊 智慧能戰勝

精進殊勝相 微妙大吉祥 手臂長百肘

舉足作舞蹈 一足按金輪 下至地絕處

一足覆梵際 但見指爪甲 最上勝自在

法義無差別 現種種色相 起於方便智

周徧十方界 利益無窮盡 已離輪迴染

得三種大樂	猶如清淨雲	亦如秋皎月
如日離雲翳	熾盛大光明	帝釋大青寶
莊嚴色最上	及大如意珠	亦爲妙莊嚴
所現神通力	震動百世界	住念處正勤
神足及根力	七覺妙意華	了知八聖道
趣正等菩提	如來功德海	諸衆生蘊聚
猶如於虛空	諸衆生心行	種種相差別
了知諸根境	五蘊悉皆空	五蘊義清淨
諸行無億數	了知諸行相	安住實際中
十二緣生法	體性皆清淨	四無量真乘

八智從覺生	了內根外境	十二真實義
祕密十六分	覺道二十種	如是最勝義
諸佛皆了知	佛現無數身	常在於三昧
諸衆生心行	剎那能了知	三乘方便門
清淨行微妙	覺法無自性	住於一乘道
盡諸煩惱結	出流轉苦海	離繫縛稠林
種種諸苦等	方便智大悲	能普徧饒益
攝受諸有情	令悟無生忍	一切衆生心
了境界清淨	一切衆生心	平等無差別
一切衆生心	歡喜生愛樂	令離於散亂

成就諸功德	通達三世法	一切智慧義
五蘊性本空	三世皆如是	一念生信解
即見諸佛性	諸法自性生	佛身本無著
樂見諸佛身	種種莊嚴相	樂聞佛菩提
最上真實義	大咒離文字	大咒三種性
泯觀離文字	出生一切咒	泯觀百字門
五字門大空	秘密十六種	從泯觀中生
葛羅非葛羅	過去有四種	禪義生億數
一切作非作	通達一切禪	了知根本定
三昧身最上	報化身亦然	普徧十方界

化度諸衆生	最後天中天	吉祥最勝者
爲天人導師	降伏諸魔衆	如帝釋天王
能作大布施	度一切衆生	出煩惱稠林
十方皆讚歎	唯一無有二	以大慈悲法
爲精進甲冑	智慧爲弓劍	滅除煩惱賊
最勝威神力	衆魔皆怖畏	降伏魔怨已
興廣大供養	稽首最上師	諸佛護世者
頂禮伸讚歎	親近而奉事	十方虛空界
供養亦如是	文殊大吉祥	菩薩摩訶薩
具六通三明	六念皆圓滿	現大神通力

永樂北藏

文殊所說最勝名義經

第一三二冊

智慧到彼岸	遠離於輪迴	永得不退轉
勇猛大精進	了知一切法	大補特伽羅
得超最上地	以智慧法雨	普潤諸衆生
宣示四法印	引導於三乘	清淨最上義
能作大吉祥	菩薩所稱讚	成就金剛尊
衆生無億數	瞻仰歸命禮	歸命大空藏
讚歎大空藏	歸命佛覺道	讚歎佛覺道
歸命諸佛身	讚歎諸佛身	歸命佛欣悅
讚歎佛欣悅	歸命佛功德	讚歎佛功德
歸命諸佛念	讚歎諸佛念	歸命佛喜笑

讚歎佛喜笑	歸命諸佛語	讚歎諸佛語
歸命佛所愛	讚歎佛所愛	歸命諸佛生
讚歎諸佛生	歸命佛智生	讚歎佛智生
歸命佛戲舞	讚歎佛戲舞	歸命一切智
讚歎一切智	性空及幻網	歸讚亦如是

爾時金剛掌菩薩摩訶薩金剛手菩薩摩訶薩白佛言世尊如來智觀一切智身甚深微妙文殊菩薩摩訶薩爲欲利益一切衆生說此清淨最勝名義若諸衆生未淨三業令於佛地波羅蜜門福智藏中攝持三業圓滿清

淨於最上義未了解者令得了解乃至一切
諸佛法藏皆為開發令得悟解出生眾善為
功德門復次金剛堂菩薩摩訶薩金剛手菩
薩摩訶薩言此最勝名義出生一切淨地波
羅蜜法祕蜜神咒圓滿成就一切智智諸功
德海淨身語意三祕蜜門觀想諸佛正等正
覺成就佛智大三摩地一切如來清淨法界
最勝十力破壞魔怨具一切智一切種智根
本方便饒益眾生福德智藏清淨圓滿出生
菩薩聲聞緣覺三乘聖種一切人天安住大

乘諸菩薩行入正聖道皆得解脫復能增長
菩薩善根攝受一切外道異論威德摧伏四
種魔怨令諸眾生同歸聖道解脫繫縛離諸
散亂具足一切諸善事業斷除輪迴得真聖
道以妙香華幢幡傘蓋普徧供養一切如來
速得成就諸咒部門於諸菩薩生愛樂想相
應般若波羅蜜多了知菩薩空行無二具足
一切波羅蜜藏圓滿一切清淨佛地得四真
諦聖智現前一心安住四正念處乃至具足
諸佛功德復次金剛掌菩薩摩訶薩金剛手

永樂北藏

文殊所說最勝名義經

第一三一冊

菩薩摩訶薩言此最勝名義經能除一切衆生身語意業不善罪垢令得遠離一切惡道及得斷除一切業障八難怖畏皆得消除離惡眠夢獲大吉祥及離一切諸魔怨結修諸善根福德利益斷除一切增上我慢永離一切苦惱輪轉一切佛心了知如實菩薩密行了知如實三乘聖智了知如實一切呪印了知如實最勝法義生大智慧住安樂行色力自在獲得清淨大吉祥事歡喜踴躍以妙句偈稱揚讚歎此名義經亦能消除一切疾病

及大恐怖若衆生心有所樂欲至心誦持最勝名義悉得如意欲得清淨即得清淨欲得救護即得救護欲得富饒即得富饒如漂溺人得獲濟度未得道者令得道果乘般若舟到菩提岸如大醫王能除衆病以方便智救護衆生愚癡暗蔽悉得永離猶如意寶隨其所欲利益一切皆令圓滿文殊菩薩摩訶薩如實了知一切智智具足五眼六波羅密得四無畏安住十地大福智藏三摩地門皆得圓滿如實了知法性無二如實了知色相差

別如實了知種種億數色相清淨如來自性
悉皆空故此名義經無二法義若有受持開
示顯發則能利益一切衆生令離邪見煩惱
稠林復次金剛掌菩薩摩訶薩金剛手菩薩
摩訶薩白佛言世尊文殊師利菩薩摩訶薩
及一切如來智觀無二此名義經十一最勝尊重
如佛頂中大摩尼珠若善男子善女人依此
最勝秘密呪門句偈義理每日三時受持讀
誦解說書寫利益衆生顯示三乘普令悟入
爾時文殊師利菩薩摩訶薩說此最勝名義

欲令衆生一心信受得勝解心了達一切最
上法門修無住行具足智慧清淨三業發善
提心一切諸佛諸大菩薩普皆示現平等法
門令諸衆生皆得悟入大金剛掌菩薩現忿
怒相以大威力降伏魔怨普皆利益一切衆
生令得安樂顯示秘密三昧道場一切呪印
引導衆生入正定聚圓滿無餘大明呪王除
諸障難消伏魔怨具大威德於晝夜中常當
擁護童真菩薩梵王帝釋嚕陀羅神那羅延
天大自在天并子歌哩底計大黑天神儼底

計說羅大神燄魔天王水界大神毗沙門天王賀哩帝母於晝夜中常當擁護若行若住若坐若卧一切時中諸佛菩薩威神加護一切諸佛及諸菩薩饒益攝受彼諸衆生身意語業皆得清淨一切羅漢聲聞緣覺護念攝

得十

十三

受彼諸衆生於一切法得無所畏如是最勝名義聖法於諸經中最高首若能於此信解受持是人則爲得菩提道或處禪定或居闌闢或入王城聚落之處江河園林一切住處於晝夜中常當擁護令無怖畏天龍八部

人及非人乃至毗舍遮女并諸眷屬常當擁護是諸衆生令離諸惱得大安隱復次金剛掌菩薩金剛手菩薩言此最勝名義經如佛頂珠最上微妙功德殊勝不可思議每日三時受持讀誦正念思惟精進無懈於佛菩提速能趣入復白佛言世尊文殊師利菩薩色相具足觀察思惟以大願力度脫衆生或於空中現一切佛一切菩薩種種化身隨順衆生所樂示現演說微妙甚深句義引導衆生遠離惡趣不生卑賤不墮邊境生不醜陋不

墮邪見常生佛刹聽聞正法離無想處不生
饑饉鬪戰劫中不生五濁及賊難處不生貧
窮及困苦處不生非法妄說句偈為求名聞
生賢善家尊貴人中圓滿色相端嚴具足見
者歡喜無不愛樂得宿住通大尊重相具大
威德布施持戒忍辱精進禪定智慧方便願
力慈悲喜捨四無量心具足圓滿及於一切
工巧技藝讚詠外書皆得了解出家求道於
一切智心無散失了達三乘諸法義利此經
功德出生無量智慧無量善法若善男子善

女人受持讀誦解其義理為人演說當知是
人於如來藏中得佛功德不久當證最上菩
提具一切智一切種智安住世間振大法鼓
建大法幢作大法王演大法呪即說呪曰
唵引薩哩合二達哩合二摩合二阿婆引縛娑縛
二婆引縛尾合十鉢駄縛惹囉合二遏阿縛暗縛惡
一切法相自性清淨所謂一切如來智身文
殊菩薩清淨出生呪曰
惡薩哩縛合二怛陀引誡多縛紇哩合二捺野縛喝囉
喝囉唵引昨引紇哩合二

文殊菩薩語自在王廣大宣說一切法性猶如虛空圓滿清淨法界智藏呪曰

阿

爾時金剛掌菩薩摩訶薩金剛手菩薩摩訶薩歡喜踴躍恭敬合掌瞻仰如來諸佛聖衆大祕密王隨喜稱讚廣大道場爾時釋迦牟尼佛讚金剛掌菩薩金剛手菩薩言善哉善哉汝能顯示文殊所說諸佛祕密最勝名義利益安樂一切衆生汝等不久當得阿耨多羅三藐三菩提得大解脫於幻網中作大道

師以大清淨甚深妙義開發引導令諸衆生入佛境界我今證明汝等所說最勝名義此經於一萬六千大祕密教智慧藏中次第流出爲三摩地輪摧伏魔怨消除煩惱度脫衆生速離輪迴到菩提岸

群十

十五

文殊所說最勝名義經卷下

⑤

✕

⑥

音釋

絹古縣切 髮莫班切 鉦息兼切 龕口街切 閭閑
閑胡對切 閑閑也 利也 龕閑
閑如教切 喧閑也

永樂北藏

文殊所說最勝名義經

第一三一冊